

花柳易知

花柳易知序

今花柳之毒已蔓延於我國矣輾轉傳染由一身而及全家亡種之患莫大於此德爲醫藥先進國日新月異研究不遺餘力向之注重服藥者今則一變爲注射明效大驗已可概見我國先賢諸書審證處方爲濕爲熱爲毒非無一知半解之可取而縷分時期明定治法經驗不如西人完善遂不及西人最可恨者一種鈴醫自號毒門專門不諳病證不識藥性秘藏其一二武霸不純之方大言包愈騙人金錢誤人性命所謂庸醫殺人假戈矛者是也鄙人於此道畧有門徑心焉憂之因就東西新名著譯其精要可以簡便自治者并於我國名醫諸作擇其純正無疵經驗各方俱載於編以俟患此者之自得焉是爲序

民國八年六月吳興醫學博士李公彥識

花柳易知目錄

第一編 西法

第一章 楊梅毒初起之視察法

第二章 疳瘡初起之視察法

第三章 橫痃初起之視察法

第四章 白濁初起之視察法

第五章 楊梅毒之治法

第六章 疳瘡之治法

第七章 橫痃之治法

第八章 白濁之治法

第九章 男子白濁併發症之治法 證候附

第十章 婦女白濁併發症之治法 證候附

第十一章 男女白濁併發症之治法 證候附

第二編 中法

第一章 梅毒總論

第二章 梅毒治法 汗藥 煎藥 熏洗 點藥 行藥 丸藥 圍藥 又

單方二十四則

第三章 淋病總論

第四章 淋濁治法 氣淋之治法 石淋之治法 血淋之治法 勞淋之治

法 熱淋之治法 又五淋統治法

花柳易知

第一編 西法

第一章 楊梅毒初起之視察法

楊梅毒者。非一發而不可收拾者也。乃井然秩然。依一定之次序而現者也。故其初起。無不以硬下疳而始。不痛之橫痃次之。梅毒又次之。以是吾人但留意視察硬下疳可矣。下疳多發於宿娼之四禮拜內。硬如脆骨。患處與周圍之境界。劃然分明。成一硬顆。高起皮面。不痛。亦不出血。惟該處之皮膚變紅。且滑澤有光。間起皮屑。至後剝去外皮。則有脂水少許洩出。乾則結成薄痂。此硬顆大如花椒殼。又如小豆。此極易辨別者也。又間有成硬潰瘍者。以指按之。頗似骨牌。約經四禮拜。至兩個月後。乃先自硬顆中尖漸漸消退。由是愈益癰下。終則完全隱滅。僅餘堅硬之疤。其部位。男子多在包皮內面。婦人多在大陰唇。子宮頸亦有之。繼之而發者。則爲不痛之橫痃。大腿縫之兩側腫脹。

該處之皮下。發生硬塊。累累並列。大如櫻子。皮膚不變色。捺之不能移動。亦不發痛。此楊梅毒初起之現狀也。

第二章 疔瘡初起之視察法

疔瘡多生於宿娼之二十四點鐘以後。先發紅點。未幾即變小顆。一晝夜後。該處之皮膚。即高起而成水泡。又一晝夜。水泡自破。洩出脂水。乾則結成痂皮。痂落便成潰瘍。潰瘍大如針頭。最大者可如蠶豆。其形似圓。若數個相合。則現坼裂之狀。潰瘍之邊緣。峻銳而微隆起。然頗似鼠嚙之形。以指觸之。略覺堅硬。且發疼痛。動易出血。

第三章 橫痃初起之視察法

橫痃多繼疔瘡而來。疔瘡如愈。橫痃必不發也。大抵疔瘡發生之際。如所著褲襠太小。或行動過久。或因用藥過於猛烈。遂致誘發。初發之時。該處多異常作痛。因之不能舉步。時或肢體戰慄。繼以發熱。嘔吐。便秘。其狀恰如疝氣。如指觸之。皮下宛似生一圓瘤。質頗堅硬。發紅腫脹。且覺灼熱。推之不動。此即初時之症狀也。

第四章 白濁初起之視察法

白濁之發生也。多在宿娼之一日。至二三日內。初發之時。尿莖全部發癢。或略覺痛。溺時加甚。由是尿意頻數。小便困難。小便口微現紅腫。並有膠黏之水。封閉外口。溺時尿不能一綫射出。既而此膠黏之水。漸變稠厚而成純膿。自小便口滴出。是卽白濁也。

第五章 楊梅毒之治法

今人發楊梅毒。莫不以六百零六爲唯一之後盾。不知六百零六。有德國製。有法國製。有美國製。有日本製。德國製功效最著。性亦最猛。苟有心腎肝諸臟病者。必不堪劇毒而死。是何啻以暴易暴也。況自歐戰以來。德製六百零六。來源早經斷絕。更不必論。法美兩國所製。功效較遜。毒害亦略減。然在體弱之人。亦尙不宜使用。且往往受醫生之愚。以法美製之藥。僞充德製。騙取巨金。其流弊滋多也。若日本製者。價值雖廉。打一二針。往往無效。則又何如別取他法之爲愈矣。不寧惟是。楊梅毒初起之時。所患不過硬下疳。或兼無痛之橫痃。此時但用其他簡單之法治之。亦可痊愈。初母需打六百零六。

也。今揭各種病毒治法如下。

第一、硬下疳。男子宜貼水銀硬膏。婦女如生於陰戶者。可用水銀綿花球。或搽依的兒精昇汞水。生於口內者。亦宜搽依的兒精昇汞水。或解淡之火酒。已變潰瘍者。須隨其脂水之多少。以昇汞水、硼酸水等斟酌洗之。後搽甘汞。沃度兒等藥粉。外紮沃度仿謨綿紗。或仍貼水銀硬膏。亦可代之。潰瘍如尙不深。可敷黃降汞軟膏。潰瘍如過大。或發浮腫者。單搽甘汞爲宜。婦人陰戶。子宮如有潰瘍。洗後宜用沃度兒。沃度仿謨等製成綿花塞子。送入牝中。

處方

水銀硬膏 五錢

右外用。

沃度仿謨 二錢半

右時搽潰瘍上。新毛筆刷之。亦佳。

黃降汞 七釐八毫 凡士林 二錢六分

右外用塗敷。

第二、橫[△]痃[△]及[△]其[△]他[△]腺[△]腫[△] 宜塗搽水銀軟膏。敷貼水銀硬膏。仍須內服沃剝。或沃鐵

糖漿等。

第三、手[△]面[△]楊[△]梅[△]疹[△] 夜間貼水銀硬膏。或搽白降汞軟膏。即可催其消散。

第四、頭[△]面[△]小[△]楊[△]梅[△]濃[△]泡[△] 宜用白降汞軟膏。或黃降汞軟膏。塗搽患處。一日二次。

第五、沿[△]肛[△]楊[△]梅[△] 先用清水洗淨。視其濕潤之甚否。一日兩次至數次。洗後更以鹽

水潤之。方搽甘汞。襯貼綿花。

處方

甘汞 一分 飛白乾麵 五分

右時時搽瘡上。

第六、手[△]足[△]心[△]乾[△]癬[△] 可敷水銀硬膏。其頗頑固者。宜貼昇汞古魯胃謨。

花柳易知
處方

昇汞 三分九釐 古魯胃謨 五錢二分

右爲塗敷藥料。

第七、楊梅[△]橡皮[△]腫[△]

未破潰者。最妙宜貼水銀硬膏。雖巨大者。可不潰而自散。卽已

經成熟者。亦尙可愈。慎勿輕信醫生之言。動輒開刀。轉成不治。切記切記。

第八、楊梅[△]瘡[△]其面先以昇汞水、石炭酸水、硼酸水等洗之。再摻沃度兒、沃度仿謨等

藥粉。外紮繃帶。如瘡日益加大。在頭面及口內。須以硝酸銀桿蝕之。在軀幹四肢。須以苛性加里膠桿蝕之。

第九、口[△]腔[△]及咽[△]頭[△]梅[△]瘡[△]

第一戒吸菸草。時用含漱藥漱。如不能含漱。可每日塗

搽昇汞精一次。如尙不十分奏效。每三日。或六日。以硝酸銀桿腐蝕患處一次。

處方

昇汞 五釐二毫 火酒 五錢二分

右化開製爲百分之一昇汞精每日塗搽一次。

昇汞 一釐零四絲 火酒 一兩五錢六分 蒸汽水 八兩八錢四分

右化開製成萬分之一（卽一萬倍）之昇汞水作含漱藥料。

昇汞 五釐二毫 依的兒 五錢二分

右化開製成百分之一之昇汞依的兒每日塗搽一次。

第十、鼻楊梅毒。先將鼻孔洗淨終以甘汞紗布塞入。或以甘汞製成膠桿。納入亦可。其間仍須禁止吸菸。

處方

甘汞 二分六釐 椰子油 二錢六分

右煉勻製成膠桿十條至二十條。納入鼻中。

第十一、喉頭楊梅毒。宜吸入生礬水或沃度水等。喉頭之皮膚。則搽水銀軟膏。或貼水銀硬膏。或搽沃度酒。俱有大效。

處方

沃度加里 五分二釐 沃度 半釐 蒸汽水 二兩六錢

右化開製成藥水吸入用。

生礬 二分六釐 蒸汽水 五兩二錢

右化開製成藥水用法同前。

第十二、直腸楊梅毒 以用坐藥爲便。

處方

沃度仿謨 五分二釐 椰子油 適宜

右煉勻分製坐藥十個。納入肛門。

第十三、陰戶子宮楊梅毒 卽係二三兩期證候。亦如治硬下疳法。

第十四、骨節筋肉等楊梅毒 概用沃度酒、水銀軟膏、水銀硬膏等藥品。其已成腐

骨疽者。則摘去之可也。

處方

水銀硬膏 五錢二分 黃蓉膏 二分六釐

右調煉均勻。製成硬膏外用。

上所述者。皆一處之治法也。凡患毒除但發硬下疳。可專恃一處治法外。餘均須兼用全身治法。方可斷根。否則仍無效也。

全身治法甚多。莫妙於水銀沃度兩種治法。以水銀治法論。他法尤不如塗搽之妙。茲故但言塗搽。然必先查驗該病人之體格。與體質若何。如本患肺癆（不論輕重）痢疾、敗血病、心病（重篤者）牙齦病、腎臟病等。則忌用此法。又雖塗搽一處。而全身發顯著之疹者。亦須停止塗搽。其可用此法者。先行入浴。洗淨全身皮膚。如係婦女。或值寒天。則須揩淨皮膚。挑取水銀軟膏。約黃豆大一團。置掌心中央。徐徐輕塗一處皮膚上。約一刻至二十分鐘後。即以綿花蓋住該處。外紮繃帶。明日除去繃帶。洗淨該處。更擇他處搽擦如前。依此醫治之法。自第一日至第六日。輪流搽各部位。至第七日。停止搽擦。

重行入浴。是爲一周。第八日始。又依前之各部位。一一搽擦。爲第二周。如是周而復始。無少間斷。其次數多少。須視功效若何而異。不能一定。大抵在楊梅斑。至少須搽二十次。在楊梅膿泡瘡及一切重證。至少須搽三十次。連停止之日計算。共須五禮拜。如尙無效。仍須搽擦。搽擦之部位。亦各從其便。要須逐日更換。並選毛稀而又廣大之皮膚。而舉各部位如左。

(甲)

第一日

自左肩胛至左前膊中央。

此法當以右掌搽擦。經一刻至二十分鐘後。洗淨右手。

第二日

自右肩胛至右前膊中央。

以左掌搽擦。餘俱如前。

第三日

搽左大腿內面。

第四日

搽右大腿內面。

第五日

搽左下腿後面。

第六日

搽右下腿後面。

第七日

停止搽擦。洗浴。以上一周。

(乙)

第八日 仍依次反覆擦。

第一日 左下腿後面。

第二日 右下腿後面。

第三日 左大腿內面。

第四日 右大腿內面。

第五日 左胸及腰際。

第六日 右胸及腰際。

第七日 左上膊內面。

第八日 右上膊內面。

第九日 停止擦擦洗浴如前。以上

第十日 仍依次反覆擦。

第一日 兩大腿後面。

(丙)

第二日 兩大腿內面。

第三日 胸腹兩旁。

第四日 背部。

第五日 兩上膊內面。晚間洗浴。以上一周

第六日 仍依次反覆搽擦。

當搽擦水銀軟膏之際。最須留意者。無如潔淨口內。禁止一切菸草。否則口中牙齦。必發紅腫。口內發熱乾燥。兼覺有銅鐵腥臭。或發惡臭。口角流涎。齒牙動搖。或成潰瘍。甚者舌腫且痛。飲食言語之際。尤爲劇烈。往往體發寒熱。顎下腺腫脹。故不可不防也。潔淨口內之法。當於每次食後。漱口。刷牙。漱口宜用鹽剝水。生礬水。硼酸水等。一日至少十數次。刷牙勿用尋常牙粉。宜自製穩妥者用之。

處方

鹽剝 一錢三分 水 五兩二錢

右化開製成藥水時時含漱。

木炭細末 一兩三錢 菖蒲根末 一錢三分

右研細和勻作牙粉用。

倘因搽擦水銀軟膏。而又不潔淨口內。致已紅腫者。應即暫時停止搽擦。全身洗浴。將該搽藥處仔細洗淨。並常漱口。如已有潰瘍。速搽下列各種藥水。

處方

十倍硝酸銀水 一小瓶

右爲塗搽藥水。搽後隨用鹽湯漱口。

沃度酒 五倍子酒 各八錢

右爲塗搽藥水。

內服水銀之法。法國最爲盛行。就中以黃色沃度汞爲特佳。雖久服無害。現多製成丸子。每丸含藥五毫二絲。每日服二釐六。至五釐二爲限。